



თიბისი დაზღვევა
TBC INSURANCE

სასხის შენატანის
დაზღვევის პირობები
#PPI/001/19

სესხის შენატანის დაზღვევის პირობები #PPI/001/19

1. გამოყენებული ტერმინები

წინამდებარე დაზღვევის პირობებში გამოყენებულ ტერმინებს აქვთ შემდეგი მნიშვნელობები:

ჩვენ / მფლობელი	სს „თიბისი დაზღვევა“;
თქვენ / დაზღვევი / დაზღვეული	სადაზღვევო პოლისში მითითებული ფიზიკური პირი, რომელიც აფორმებს დაზღვევის ხელშეკრულებას ჩვენთან და პასუხისმგებელია სადაზღვევო პრემიის გადახდაზე; დამზღვევი შეიძლება იყოს მხოლოდ მსესხებელი ;
მსესხებელი	პირი, რომელიც არის პოლისში მითითებული სესხის ძირითადი/უშუალო მსესხებელი (არ არის თანამსესხებელი, თავდები და ა.შ) და უშუალოდ არის პასუხისმგებელი შენატანების განხორციელებაზე;
მოსარგებლე / კომერციული ბანკი	სადაზღვევო პოლისში მითითებული კომერციული ბანკი, რომლის მიმართაც თქვენ გაქვთ სასესხო ვალდებულება;
დაზღვევის ხელშეკრულება	თქვენსა და ჩვენ შორის გაფორმებული ხელშეკრულება, რომელიც შედგება წინამდებარე დაზღვევის პირობებისა და სადაზღვევო პოლისისგან;
სადაზღვევო პოლისი	ჩვენ მიერ გაცემული დაზღვევის დამადასტურებელი დოკუმენტი, რომელშიც მითითებულია თქვენ მიერ შექმნილი სადაზღვევო დაფარვის დეტალები;
სესხი	სასესხო ვალდებულება, რომელიც აქვს დამზღვევს , პოლისში მითითებული კომერციული ბანკის მიმართ, ამასთან გათვალისწინებული იქნება მხოლოდ შემდეგი ტიპის სესხები: განვადება, სამომხმარებლო სესხი, ავტო სესხი, იპოთეკური სესხი; წინამდებარე პირობები არ ითვალისწინებს იმ სესხ(ებ)ს, რომლებშიც ძირითად მსესხებელს წარმოადგენს დამზღვევი, მაგრამ მასთან ერთად სესხის ხელშეკრულებაში მონაწილეობს თანამსესხებელი, ასევე სესხ(ებ)ს, რომლებზეც დამზღვევი წარმოადგენს თანამსესხებელს ან თავდებს;
დაზღვეული რისკი	დამზღვევის იძულებითი უმუშევრობა, შრომისუნარობა ან გარდაცვალება, რომელიც გამოწვეულია მე-4 პუნქტში მითითებული მიზეზით;
სადაზღვევო შემთხვევა	დაზღვეული რისკით გამოწვეული შემთხვევა, რომელიც წინამდებარე პირობების თანახმად წარმოშობს მფლობელის პასუხისმგებლობას, აანაზღაუროს ზარალი;

სადაზღვევო ანაზღაურება	თანხა, რომელსაც წინამდებარე პირობების თანახმად, სადაზღვევო შემთხვევის დადგომისას, ავუნაზღაურებთ მოსარგებლეს;
იძულებითი უმუშევრობა	პოლისის მოქმედების პერიოდში დამსაქმებლის მიერ დამზღვევთან შრომითი ხელშეკრულების შეწყვეტა, მხოლოდ ამ პირობების მე-4 მუხლის A ქვეპუნქტში მითითებული მიზეზებით;
უბედური შემთხვევა	პოლისის მოქმედების პერიოდში დამდგარი, აშკარა გარე ძალების ზემოქმედებით გამოწვეული გაუთვალისწინებელი და უეცარი მოვლენა, რომელმაც გამოიწვია დამზღვევის გარდაცვალება ან სხეულის მძიმე დაზიანება;
შრომისუნარობა	დამზღვევის შრომისუნარიანობის სრული ან ნაწილობრივი დაკარგვა, რომელიც გამოიწვია პოლისის მოქმედების პერიოდში დამდგარმა უბედურმა შემთხვევამ ;
გარდაცვალება	პოლისის მოქმედების პერიოდში დამზღვევის უბედური შემთხვევით გამოწვეული გარდაცვალება, რომელსაც ადგილი ჰქონდა უბედური შემთხვევის დღიდან არაუგვიანეს 6 კალენდარული თვის პერიოდში;
ჯამური შემოსავალი	დამზღვევის დასაბუთებული ჯამური სტაბილური შემოსავალი, რომელიც დასტურდება საქართველოს ფინანსთა სამინისტროს შემოსავლების სამსახურის მიერ გაცემული შესაბამისი ცნობით;
ანაზღაურების ჯამური ლიმიტი	ჯამური შემოსავალი ანგარიშდება ზარალის დადგომის თარიღამდე, ბოლო 3 კალენდარული თვის განმავლობაში მიღებული ყოველთვიური, სტაბილური, დასაბუთებული შემოსავლის საშუალო არითმეტიკულით;
ანაზღაურების ჯამური ლიმიტი	პოლისით გათვალისწინებული ჩვენ პასუხისმგებლობის მაქსიმალური ლიმიტი, რომლის ფარგლებშიც ხორციელდება სადაზღვევო შემთხვევის შემდეგ სადაზღვევო ანაზღაურების გაცემა.
ანაზღაურების პერიოდი	სასურველ სადაზღვევო თანხას ირჩევთ თქვენ, სადაზღვევო პოლისის შექმნისას;
ანაზღაურების პერიოდი	პერიოდი, რომლის განმავლობაშიც ჩვენ აგინაზღაურებთ წინამდებარე პირობებით გათვალისწინებულ ზარალის ოდენობას.
მოცდის პერიოდი	კონკრეტული ანაზღაურების პერიოდი მითითებულია სადაზღვევო პოლისში ;
მოცდის პერიოდი	სადაზღვევო პოლისის ძალაში შესვლიდან ათვლილი 3 თვიანი პერიოდი (იგულისხმება კალენდარული თვე). მოცდის პერიოდში მომხდარი სადაზღვევო შემთხვევები ანაზღაურებას არ ექვემდებარება;

არანაფლაურებადი პერიოდი	სადაზღვევო შემთხვევიდან ათვლილი 1 თვიანი პერიოდი (იგულისხმება კალენდარული თვე). აღნიშნული პერიოდის განმავლობაში ჩვენ არ გავცემთ ანაზღაურებას, შესაბამისად ამ პერიოდში სესხის თვიური შენატანის გადახდა თქვენი ვალდებულებაა;
სადაზღვევო პრემია	დაზღვევის საფასური, რომელსაც იხდით თქვენ , პოლისში მითითებული წესის შესაბამისად;
ოჯახის წევრი	თქვენი მეუღლე, შვილები, მშობლები, მშობლების მშობლები, და, ძმა.

2. ვისზე ვრცელდება დაზღვევა

სადაზღვევო დაფარვა ვრცელდება მხოლოდ იმ შემთხვევაში, თუ თქვენ, როგორც **დამზღვევი**, აკმაყოფილებთ ქვემოთ მოცემულ კრიტერიუმებს:

- ✓ ხართ საქართველოს მოქალაქე, ან გაქვთ საქართველოში დროებითი ან მუდმივი ბინადრობის ნებართვა; მოქალაქეობა და ბინადრობის ნებართვა აქტიური უნდა იყოს როგორც დაზღვევის მომენტისათვის, ისე სადაზღვევო შემთხვევის დადგომის მომენტისათვის და ასევე თითოეული სადაზღვევო ანაზღაურების გაცემის მომენტისათვის;
- ✓ დასაქმებული ხართ საქართველოში რეგისტრირებულ ორგანიზაციაში (დამსაქმებელი არ არის ფიზიკური პირი). ეს შეზღუდვა არ ვრცელდება ისეთ შემთხვევებზე, როდესაც ფაქტობრივი სამუშაო ადგილი მდებარეობს საქართველოს ტერიტორიულ ფარგლებში, მაგრამ დამსაქმებელს წარმოადგენს იურიდიული პირი, რომელიც არ არის რეგისტრირებული საქართველოში, ან რომლის იურიდიული მისამართი არ მდებარეობს საქართველოს ტერიტორიაზე.
- ✓ დაზღვევის შექენის მომენტისათვის თქვენი ასაკი არის 25-დან 60 წლის ჩათვლით;
- ✓ დასაქმებული ხართ შრომითი კონტრაქტის საფუძველზე, გაქვთ ყოველთვიური სტაბილური შემოსავალი ფიქსირებული ხელფასის სახით და საჭიროების შემთხვევაში, შეძლებთ შესაბამისი დამადასტურებელი დოკუმენტაციის (შრომითი კონტრაქტის ასლის, ამონაწერი და ა.შ) წარმოდგენას;
- ✓ ზარალის დადგომის მომენტში გაქვთ მინიმუმ 1 (ერთი) წლიანი უწყვეტი სამუშაო სტაჟი საქართველოში რეგისტრირებულ ორგანიზაციაში/ორგანიზაციებში. შრომის სტაჟის არსებობა უნდა დასტურდებოდეს შესაბამისი შრომითი ხელშეკრულებით ან ბრძანებით;
- ✓ დაზღვევის შექენის მომენტისათვის გაქვთ აქტიური სესხი საქართველოში

რეგისტრირებულ **კომერციულ ბანკში** (წინამდებარე დაზღვევა ფარავს თქვენს სესხებს მხოლოდ სადაზღვევო პოლისში მითითებული კომერციული ბანკის წინაშე).

3. ვისზე არ ვრცელდება დაზღვევა

იმ შემთხვევაშიც კი, თუ მათ სასარგებლოდ გადახდილია სადაზღვევო პრემია, დაზღვეულებად არ ჩაითვალებიან:

- ✓ პირები, რომლებიც მუდმივ მოვლას საჭიროებენ (იგულისხმება პირი, რომელიც ყოველდღიური საქმიანობის შესრულებისთვის სხვების დახმარებას საჭიროებს);
- ✓ ფსიქურად დაავადებულ პირები;

იმ შემთხვევაში, თუ აღმოჩნდება რომ სადაზღვევო ხელშეკრულების გაფორმების მომენტისთვის **დამზღვევი** იმყოფებოდა ზემოთ აღწერილ მდგომარეობაში, ჩვენ უფლებამოსილები ვართ აღმოჩენისთანავე შევწყვიტოთ დაზღვევის ხელშეკრულება, 8.2 პუნქტის b ქვეპუნქტის შესაბამისად.

4. დაზღვეული რისკები

წინამდებარე დაზღვევა ფარავს, პოლისში მითითებული **კომერციული ბანკის** წინაშე არსებული თქვენი **სესხ(ებ)ის** თვიური შენატანების შესაბამის თანხას, წინამდებარე დაზღვევის პირობებით გათვალისწინებული ოდენობით, მხოლოდ შემდეგი რისკების დადგომის შემთხვევაში:

A. პოლისის მფლობელის იძულებითი უმუშევრობა, თუ შრომითი ხელშეკრულების შეწყვეტა მოხდა ერთ-ერთი შემდეგი მიზეზით:

- ეკონომიკური გარემოებები, ტექნოლოგიური ან ორგანიზაციული ცვლილებები, რომელიც აუცილებელს ხდის სამუშაო ძალის შემცირებას;
- დასაქმებულის კვალიფიკაციის ან პროფესიული უნარ-ჩვევების შეუსაბამობა მის მიერ დაკავებულ თანამდებობასთან/შესასრულებელ სამუშაოსთან;
- სასამართლო განაჩენის ან გადაწყვეტილების კანონიერ ძალაში შესვლა, რომელიც გამორიცხავს სამუშაოს შესრულების შესაძლებლობას;
- დამსაქმებელი იურიდიული პირის გადახდისუნარობის/ლიკვიდაციის წარმოების დაწყება;
- დამსაქმებელი იურიდიული პირის რეორგანიზაცია (საშტატო ერთეულის გაუქმება, შემცირება);
- სხვა ობიექტური გარემოება, რომელიც ამართლებს შრომითი ხელშეკრულების შეწყვეტას.

იმ შემთხვევაში თუ **დამზღვევს** გააჩნია ერთზე მეტი სამუშაო ადგილი, ან გააჩნია სხვა დასაბუთებული სტაბილური შემოსავლის წყარო, მაშინ მის მიერ მხოლოდ ერთი სამსახურის დაკარგვა არ ჩაითვლება სადაზღვევო შემთხვევად, თუ მისი ჭამური შემოსავალი არ შემცირდება 30% ან მეტი წილით.

B. უბედური შემთხვევით გამოწვეული დამზღვევის შრომისუნარობა, მიუხედავად იმისა, აღნიშნული გამოიწვევს **დამზღვევის** შრომითი ხელშეკრულების შეწყვეტას თუ არა.

C. უბედური შემთხვევით გამოწვეული დამზღვევის გარდაცვალება;

- თუ გარდაცვალება გამოწვეულია სადაზღვევო პერიოდში დამდგარი უბედური შემთხვევით და
- დამზღვევი გარდაიცვალა უბედური შემთხვევის დადგომიდან 6 (ექვსი) თვის ვადაში;

5. დაზღვევის ტერიტორია

სადაზღვევო დაფარვა მოქმედებს მხოლოდ საქართველოს ტერიტორიაზე (გარდა ოკუპირებული ტერიტორიებისა), თუმცა საქართველოს ტერიტორიის ფარგლებს გარეთ დამდგარი **უბედური შემთხვევით გამოწვეული შრომისუნარიანობის დაკარგვა**, ან **უბედური შემთხვევით გამოწვეული გარდაცვალება** ჩაითვლება სადაზღვევო შემთხვევად და დაექვემდებარება ანაზღაურებას მხოლოდ იმ შემთხვევაში, თუ წარმოდგენილი იქნება სადაზღვევო შემთხვევის დასარეგულირებლად აუცილებელი ყველა საჭირო საბუთი (თარგმნილი ქართულ ენაზე და დამოწმებული აპოსტილით);

6. ანაზღაურების ლიმიტი

6.1. სადაზღვევო დაფარვა ითვალისწინებს სადაზღვევო პერიოდში მომხდარი მხოლოდ ერთი ზარალის ანაზღაურებას. პირველივე ანაზღაურებული ზარალის შემდეგ, პოლისი უქმდება, ამასთან თქვენ ვალდებული ხართ სრულად გადაიხადოთ სადაზღვევო პოლისით გათვალისწინებული პრემია, წინააღმდეგ შემთხვევაში ასანაზღაურებელი თანხის პირველი ტრანში შემცირდება გადასახდელი პრემიის ოდენობით.

6.2. ყოველთვიურად ჩვენ აგინაზღაურებთ შემდეგ ორ თანხას შორის უმცირესს:

- ზარალის დადგომის მომენტში, პოლისში მითითებულ **კომერციულ ბანკში** არსებული, აქტიური **სესხ(ებ)იდან** თქვენს მიერ შერჩეული, არაუმეტეს 3 (სამი) **სესხის** მიმდინარე თვიური შენატანების ჯამი;
- **სადაზღვევო პოლისით** გათვალისწინებული **ანაზღაურების თვიური**

ლიმიტი.

- 6.3. ყოველთვიური შენატანების დაჯამებისას გათვალისწინებული იქნება თქვენს მიერ ზარალის გაცხადებისას შერჩეულ სესხ(ებ)ზე, ზარალის ანაზღაურების მომენტში არსებული დავალიანება (დარიცხული საურავის გარეშე). ამასთან სავალდებულოა რომ შერჩეული ყველა სესხი წარმოადგენდეს პოლისში მითითებული **კომერციული ბანკის** წინაშე დავალიანებას.
- 6.4. პოლისი არ ფარავს არცერთი ტიპის დარიცხულ საურავს და/ან ჯარიმას.

7. სადაზღვევო ანაზღაურება

7.1 ჩვენ, წინამდებარე დაზღვევის პირობების გათვალისწინებით, აგინაზღაურებთ მე-6 პუნქტის შესაბამისად დაანგარიშებულ ოდენობას, ამასთან,

- სადაზღვევო შემთხვევის დადგომის შემდეგ, პირველი თვის განმავლობაში თქვენს მიერ გადასახდელ სესხის შენატანს ჩვენ არ ავანაზღაურებთ, შესაბამისად, პირველი თვის შენატანის განხორციელება თქვენი ვალდებულებაა.
- თითოეული თვის ანაზღაურება გაიცემა, საქართველოს ფინანსთა სამინისტროს საშემოსავლო სამსახურის მიერ, ასანაზღაურებელ თვეში, თქვენი დასაქმების სტატუსისა და მიღებული შემოსავლის დამადასტურებელი ცნობის მიღების შემდეგ.

მაგალითი:

სამსახურიდან გაათავისუფლეს 7 მარტს, სესხის შენატანის თარიღი გაქვთ თვის 5 რიცხვი. 1 თვიანი არანაზღაურებადი პერიოდის გათვალისწინებით (ამ შემთხვევაში 07 მარტი - 07 აპრილი), მომდევნო თვის, 5 აპრილის შენატანს თქვენ განახორციელებთ. საშემოსავლოს მიერ აპრილში გაცემული ცნობა ასახავს ინფორმაციას თქვენს მიერ მარტის თვეში მიღებული შემოსავლების შესახებ. რადგან ანაზღაურების თვეს წარმოადგენს მაისი, ანაზღაურების გაცემისთვის საჭირო იქნება საშემოსავლოს ცნობა თქვენს მიერ მაისის თვეში მიღებული შემოსავლების შესახებ, რომელიც აისახება საშემოსავლოს სამსახურში 15 ივნისის შემდეგ.

7.2 ანაზღაურების პერიოდი განისაზღვრება მაქსიმუმ **6 (ექვსი) თვით**, ამასთან,

- **შრომისუნარობის** რისკის დადგომის შემთხვევაში სადაზღვევო ანაზღაურება გაიცემა მხოლოდ შრომისუნარობის პერიოდში და შეწყდება შრომისუნარიანობის აღდგენისთანავე ან პოლისში მითითებული სესხის დაფარვისთანავე, რომელიც დადგება უფრო ადრე;
- **იძულებითი უმუშევრობის** რისკის დადგომის შემთხვევაში სადაზღვევო ანაზღაურება გაიცემა მხოლოდ რეალური უმუშევრობის პერიოდში და

შეწყდება დაზღვეულის ანაზღაურებად სამსახურში დასაქმებისთანავე ან ზარალის გაცხადების დროს დაფიქსირებული სესხ(ებ)ის დაფარვისთანავე, რომელიც უფრო ადრე დადგება;

7.3 **თქვენ** ვალდებული ხართ დასაქმების შემთხვევაში დაუყოვნებლივ შეგვატყობინოთ აღნიშნულის შესახებ ცხელ ხაზზე. **ჩვენ** უფლებამოსილნი ვართ გადავამოწმოთ თქვენი დასაქმების სტატუსი ფინანსთა სამინისტროს შემოსავლების სამსახურისა და სხვა სახელმწიფო სტრუქტურების საშუალებით, რაც წარმოადგენს სადაზღვევო ანაზღაურების გაცემის წინაპირობას ყოველ ჯერზე. **ჩვენ** უფლებამოსილები ვართ, ინფორმაციის საკუთარი ძალებით მიღების შეუძლებლობის შემთხვევაში, შესაბამისი ცნობის წარმოდგენა მოგთხოვოთ **თქვენ**.

7.4 იმ შემთხვევაში, თუ პოლისში მითითებული მოსარგებლე მოითხოვს სადაზღვევო ანაზღაურების თანხა ჩაირიცხოს იმ ანგარიშზე რომელზეც თანხის ჩაირიცხვის მომენტისათვის გავრცელებული იქნება ინკასო/ყადაღა, მზღვეველი პასუხისმგებლობას იხსნის მოსარგებლის წინაშე თანხის მიუღებლობით გამოწვეულ სამართლებრივ შედეგებზე და სადაზღვევო ანაზღაურება ჩაითვლება გაცემულად.

7.5 იმ შემთხვევაში თუ დაზღვევის პირობებით გათვალისწინებული რისკი დაზღვეულია სხვა პოლისით, წინამდებარე პოლისით გათვალისწინებული დაზღვევა ჩაერთვება სხვა ყველა არსებული დაზღვევის ამოქმედების შემდეგ.

8. ზარალის დარეგულირებისთვის საჭირო დოკუმენტაცია

8.1. სადაზღვევო შემთხვევის დადგომის შემთხვევაში, თქვენ, ან თქვენი წარმომადგენელი ვალდებული ხართ:

- დაუყოვნებლივ, მაგრამ არაუგვიანეს ასეთი შემთხვევის დადგომიდან 15 (თხუთმეტი) კალენდარული დღისა, გვაცნობოთ **ცხელ ხაზზე – 2 42 22 22**;
- ზარალის შეტყობინებიდან არაუგვიანეს 2 (ორი) კალენდარული თვისა, წარმოგვიდგინოთ სადაზღვევო შემთხვევის დამადასტურებელი შემდეგი საბუთები:
 - ✓ წერილობითი განაცხადი სადაზღვევო შემთხვევის დადგომის შესახებ;
 - ✓ დამზღვევის პირადობის დამადასტურებელი დოკუმენტის ასლი, ხოლო საქართველოს მოქალაქეობის არმქონე პირისათვის - ბინადრობის ნებართვის ასლი;
 - ✓ შრომითი ხელშეკრულების ასლი;
 - ✓ ზარალის მოხდენის თარიღისთვის, 1 (ერთი) წელზე მეტი უწყვეტი სამუშაო სტაჟის დამადასტურებელი დოკუმენტაცია;
 - ✓ ცნობა შემოსავლების სამსახურიდან თქვენს სახელზე დამსაქმებლის მიერ

გადახდილი საშემოსავლო გადასახადის შესახებ; აღნიშნული ცნობის წარმოდგენა სავალდებულოა ყოველთვიურად, ანაზღაურების პერიოდის განმავლობაში,

- ✓ სესხის ხელშეკრულება;
- ✓ არჩეული სესხ(ებ)ის მიმდინარე გრაფიკი (დარიცხული საურავის გარეშე) მითითებით ან შესაბამისი ტრანშის გადახდის დამადასტურებელი დოკუმენტაცია.
- ✓ სადაზღვევო პოლისის ასლი, მზღვევლის მთხოვნის შემთხვევაში

ამასთან, თქვენ ან თქვენი წარმომადგენელი ვალდებული ხართ დამატებით წარმოგვიდგინოთ:

A. იძულებითი უმუშევრობის რისკის ხდომილების შემთხვევაში:

- ✓ დამსაქმებლის პასუხისმგებელი პირის ხელმოწერითა და ბეჭდით დამოწმებული ცნობა სამსახურიდან გათავისუფლების შესახებ, რომელშიც მითითებული უნდა იყოს გათავისუფლების მიზეზი;
- ✓ რეორგანიზაციის დამადასტურებელი ბრძანების ასლი (ასეთის არსებობის შემთხვევაში);
- ✓ გაფრთხილების (რეორგანიზაციის ან შემცირების შესახებ) ასლი (ასეთის არსებობის შემთხვევაში);

B. უბედური შემთხვევით გამოწვეული შრომისუნარობის ან დაზღვეულის გარდაცვალების შემთხვევებში:

- ✓ ცნობა, რომელიც ადასტურებს უბედური შემთხვევის მოხდენის ფაქტს;
- ✓ ცნობა გარდაცვალების შესახებ, სამედიცინო დასკვნასთან ერთად (გარდაცვალების გამომწვევი მიზეზის მითითებით);
- ✓ შრომისუნარობის დადგომის დამადასტურებელი საბუთი გაცემული სამედიცინო დაწესებულების მიერ და დამოწმებული შესაბამისი ფორმით;
- ✓ ცნობა, რომელიც ადასტურებს დაზღვეულის შრომისუნაროდ ცნობას (ფორმა 50);

8.2. ჩვენ უფლებამოსილები ვართ მოვითხოვოთ სადაზღვევო შემთხვევის გარემოებების დასადგენად აუცილებელი სხვა საჭირო საბუთების წარმოდგენა როგორც უშუალოდ თქვენგან, ასევე თქვენი დამსაქმებლისგან. იმ შემთხვევაში, თუ რომელიმე ზემოთაღნიშნული საბუთი/ინფორმაცია არ იქნა წარდგენილი, ჩვენ უფლებამოსილები ვართ უარი ვთქვათ სადაზღვევო ანაზღაურების გაცემაზე.

9. ანაზღაურების ვადა

9.1 **იძულებითი უმუშევრობის** შემთხვევაში ჩვენ სადაზღვევო ანაზღაურებას გავცემთ

წინამდებარე პირობების შესაბამისად, საბუთების სრულად მიღებიდან 15 (თხუთმეტი) სამუშაო დღის განმავლობაში, პოლისში მითითებული **არანაზღაურებადი პერიოდის** გათვალისწინებით.

9.2 **უბედური შემთხვევით გამოწვეული შრომისუნარობის ან დაზღვეულის გარდაცვალების** შემთხვევაში ჩვენ ანაზღაურებას გავცემთ წინამდებარე პირობების შესაბამისად საბუთების სრულად მიღებიდან 1 (ერთი) თვის განმავლობაში, პოლისში მითითებული **არანაზღაურებადი პერიოდის** გათვალისწინებით.

10. გამონაკლისები

10.1. წინამდებარე დაზღვევით არ იფარება **იძულებით უმუშევრობის** რისკის ხდომილების შედეგად დამდგარი სადაზღვევო შემთხვევები, რომელიც პირდაპირ ან არაპირდაპირ გამოწვეულია, ან დაკავშირებულია შემდეგ შემთხვევებთან:

- 10.1.1 უმუშევრობა დადგა სადაზღვევო პერიოდის საწყისი თარიღიდან პოლისში მითითებული მოცდის პერიოდის ამოწურვამდე;
- 10.1.2 სამსახურიდან გათავისუფლების მომენტში დასაქმებული იყავით გამოსაცდელი ვადით.
- 10.1.3 შრომითი ხელშეკრულების ვადის ამოწურვა;
- 10.1.4 შრომითი ხელშეკრულების შეწყვეტა მისი ვადის ამოწურვამდე არანაკლებ 30 კალენდარული დღით ადრე.
- 10.1.5 შრომითი ხელშეკრულებით გათვალისწინებული სამუშაოს შესრულებით;
- 10.1.6 თანამდებობა/დაკავებული პოზიცია საკუთარი ნებით, წერილობითი განცხადების საფუძველზე დატოვება;
- 10.1.7 შრომითი ხელშეკრულება მოიშლა მხარეთა წერილობითი შეთანხმების საფუძველზე;
- 10.1.8 შრომითი ხელშეკრულება შეწყდა **თქვენთვის** ინდივიდუალური შრომითი ხელშეკრულებით ან კოლექტიური ხელშეკრულებით ან/და შრომის შინაგანაწესით დაკისრებული ვალდებულებ(ებ)ის დარღვევის გამო;
- 10.1.9 **თქვენს** მიერ საქართველოს სისხლის სამართლის კოდექსით გათვალისწინებულ დანაშაულებრივ ქმედებაში მონაწილეობა;
- 10.1.10 საბუთების გაყალბება დაინტერესებული პირის მიერ ან ასეთის მცდელობა;
- 10.1.11 **თქვენ** მუშაობას იწყებს საქართველოს ფარგლებს გარეთ;
- 10.1.12 **თქვენთვის** ცნობილი იყო ინფორმაცია სამსახურიდან შესაძლო გათავისუფლების შესახებ, წინამდებარე დაზღვევის ძალაში შესვლამდე;

- 10.1.13 ნებისმიერი ავადმყოფობით განპირობებული უმუშევრობა (გარდა უბედური შემთხვევით გამოწვეულისა);
- 10.1.14 შრომითი ურთიერთობის შეჩერება (მოიცავს მაგრამ არ შემოიფარგლება: ლოკაუტი, გაფიცვა), როდესაც არ ხდება შრომის ხელშეკრულების შეწყვეტა;
- 10.1.15 გათავისუფლება საპენსიო ასაკის მიღწევის მიზეზით;
- 10.1.16 **თქვენ** დასაქმებული ხართ ისეთი ორგანიზაციის ხელმძღვანელ პოზიციაზე, რომლის დამფუძნებელს, დირექტორს, ან სხვა წარმომადგენლობითი უფლებამოსილების მქონე პირს წარმოადგენთ თავად ან თქვენი ოჯახის წევრი;
- 10.1.17 დასაქმებული ხართ სახელმწიფო სტრუქტურას/უწყებას ან/და ორგანოში და შეგიჩერდათ კონკრეტულ პოზიციაზე მუშაობის უფლებამოსილება, მაგრამ თქვენი დასაქმების საკითხს ამუშავებს შესაბამისი უწყების /ორგანოს კადრების განყოფილება ან ირიცხებით რეზერვში;
- 10.1.18 თქვენი დასაქმების უწყვეტი სტაჟი სადაზღვევო შემთხვევის დადგომისას ნაკლებია 1 (ერთი) წელზე.
- 10.2. წინამდებარე დაზღვევით არ იფარება **შრომისუნარობის** ან **გარდაცვალების** რისკის ხდომილების შედეგად დამდგარი სადაზღვევო შემთხვევები, რომელიც პირდაპირ ან არაპირდაპირ გამოწვეულია, ან დაკავშირებულია შემდეგ შემთხვევებთან:
- 10.2.1. ჩატარებული ან მიმდინარე მკურნალობა ან ჩარევები, თუმცა სადაზღვევო დაფარვა ძალაში რჩება, თუ ამგვარი ჩარევა ან მკურნალობა (რადიოდიანოგოსტიკისა და რადიოთერაპიის ჩათვლით) აუცილებელი გახდა წინამდებარე პირობებით დაფარული უბედური შემთხვევის ხდომილების შედეგად.
- 10.2.2. ინფექციები, თუმცა სადაზღვევო დაფარვა ძალაში რჩება, თუ უბედური შემთხვევით განპირობებული დაზიანების შედეგად დამზღვევის ორგანიზმში ინფექცია შეიჭრა;
- 10.2.3. კანის ან ლორწოვანი გარსის უმნიშვნელო დაზიანებები (მცირე ტრავმები კანის საფარველის მთლიანობის დარღვევის გარეშე, რომელსაც თან არ ახლავს შინაგანი ორგანოებისა და ძვალ-სახსროვანი სისტემის დაზიანებები), რომელთა შედეგადაც დამზღვევის ორგანიზმში ინფექცია შეიჭრა, არ ჩაითვლება უბედური შემთხვევის შედეგად მიღებულ დაზიანებად, გარდა ცოფისა და ტეტანუსისა;
- 10.2.4. მოწამვლა, რომელიც მოყვა დამზღვევის მიერ თხევადი ან არათხევადი ნივთიერების მიღებას;
- 10.2.5. აბდომინალური ან საზარდულის თიაქარი, თუმცა სადაზღვევო დაფარვა ძალაში რჩება, თუ ამგვარი დაზიანება შედეგად მოყვა ძლიერ გარე

- ზეგავლენას, რომელიც ექცევა წინამდებარე პირობების დაფარვის ქვეშ.
- 10.2.6. მალთაშორისი დისკების დაზიანება, სისხლდენა შინაგანი ორგანოებიდან და თავის ტვინში სისხლჩაქცევა, თუმცა სადაზღვევო დაფარვა ძალაში რჩება თუ წინამდებარე პოლისით დაფარული უბედური შემთხვევა წარმოადგენს აღნიშნული დაავადებების პირველად მიზეზს;
 - 10.2.7. ორსულობა ან მშობიარობა, იმ შემთხვევაშიც კი, თუ მშობიარობის დაჩქარება გამოწვეულია უბედური შემთხვევით;
 - 10.2.8. გონებრივი, ფსიქიური ან ფსიქოსომატური დარღვევები (დროებითი ან სხვა);
 - 10.2.9. თქვენ იმყოფებით ალკოჰოლური, ნარკოტიკული, ან ფსიქოტროპული ნივთიერებების ზემომედების ქვეშ;
 - 10.2.10. განსაკუთრებული საფრთხის მიმართ შეგნებული გაუფრთხილებლობა (გარდა იმ შემთხვევისა, როდესაც ეს უკანასკნელი გამოწვეულია ადამიანის სიცოცხლის გადარჩენის მიზეზით);
 - 10.2.11. თვითმკვლელობა, ასეთის მცდელობა, შეგნებული თვითდაზიანება;
 - 10.2.12. **თქვენს** მიერ სისხლის სამართლის კოდექსით გათვალისწინებული დანაშაულის ჩადენა ან ასეთის მცდელობა;
 - 10.2.13. საჭაერო მგზავრობისას დამდგარი შემთხვევები, როდესაც **თქვენ** არ წარმოადგენს მგზავრს ან/და მგზავრობა არ ხორციელდება ავიახაზების რეგულარული / ჩარტერული რეისის თვითმფრინავებით;
 - 10.2.14. ბირთვული ენერჯია, რადიაცია, დაბინძურება, ნებისმიერ დაზიანება ან დაავადება, რომელიც პირდაპირ თუ არაპირდაპირ გამოწვეულია ან შედეგად მოყვა ბირთვული საწვავით ან ბირთვული საწვავის აფეთქებით გამოწვეულ იონიზირებულ დასხივებას ან რადიოაქტიულ დაბინძურებას;
 - 10.2.15. ომი (გამოცხადებული ან გამოუცხადებელი), შემოჭრა, საომარი მოქმედებები, სამოქალაქო ომი, აჯანყება, რევოლუცია, კონფისკაცია ნებისმიერი მთავრობის ან მისი დავალებით ან სახელმწიფო თუ ადგილობრივი ხელისუფლების ორგანოს მიერ; ნებისმიერი დამოუკიდებლად ან რაიმე ორგანიზაციასთან კავშირში მყოფი პირების ქმედებები, მიმართული დე-ფაქტო თუ დე-იურე მთავრობის გადადგომისკენ ან მასზე ზეგავლენის მოსახდენად; ტერორიზმი;
 - 10.2.16. სანაძლეოს შესრულება, აკრობატული ილეთები, ნებისმიერი სახის რეკორდის დამყარება ან ასეთის მცდელობა და ასეთისთვის მზადება; დაზღვეულის მონაწილეობა პროფესიონალურ სპორტში, დოლებში ან რბოლებში; აკვალანგით ყვინთვა; კლდეზე ცოცვა; ალპინიზმი, სპელეოლოგია; დელტაპლანერიზმი, პარაშუტით ხტომა, ნადირობა.
 - 10.2.17. დაინტერესებული მესამე პირის მიერ **დამზღვევის** განზრახ მკვლელობა ან ასეთის მცდელობა;

- 10.2.18. **თქვენი** მონაწილეობა პოლიციის, სამხედრო ფლოტის, ჯარის ან სამხედრო საჰაერო ძალების სამხედრო ოპერაციებში;
- 10.2.19. უბედურ შემთხვევამდე არსებული ფიზიკური ნაკლი, ანომალიები ან დაავადებები;
- 10.2.20. სადაზღვევო პერიოდამდე მომხდარი უბედური შემთხვევისგან გამომწვეული დაზიანებები, რომლებიც ცნობილი და აშკარა გახდა სადაზღვევო პერიოდის განმავლობაში.

10.3 სადაზღვევო ანაზღაურება არ გაიცემა თუ:

- 10.3.1 სრულად და დროულად არ არის გადახდილი პოლისით გათვალისწინებული სადაზღვევო პრემიის პირველი ან ერთჯერადი შენატანი;
- 10.3.2 დავალიანების არსებობისას, გასულია ამ პირობების 8.3 პუნქტით გათვალისწინებული დამატებითი 14 დღიანი ვადა;
- 10.3.3 არასრულყოფილად არის წარმოდგენილი მზღვეველის მიერ მოთხოვნილი სადაზღვევო შემთხვევის შესაფასებლად აუცილებელი საბუთები;
- 10.3.4 თქვენს მიერ დარღვეულია წინამდებარე პირობებით გათვალისწინებული თქვენზე დაკისრებული რომელიმე ვალდებულება სადაზღვევო ხელშეკრულების გაფორმებამდე ჩვენთვის ინფორმაციის ზუსტად მიწოდების, პრემიის გადახდის, ზარალის შეტყობინების ვალდებულება და ა.შ).
- 10.3.5 თქვენ ან ნებისმიერი სხვა დაინტერესებული პირი გააყალბებთ ან ეცდებით რომ დამალოთ, ან გააყალბოთ თქვენს ჯანმრთელობასთან, საქმიანობასთან ან სადაზღვევო შემთხვევასთან დაკავშირებული ნებისმიერი ინფორმაცია ან საბუთი როგორც სადაზღვევო ხელშეკრულების გაფორმებამდე ასევე სადაზღვევო შემთხვევის დადგომის შემდეგ.
- 10.3.6 სასესხო ვალდებულება გაქვთ პოლისში მითითებული **კომერციული ბანკისგან** განსხვავებულ ბანკში.

11. სადაზღვევო ხელშეკრულების შეწყვეტა

- 11.1 სადაზღვევო დაფარვა ძალაში შედის პოლისში მითითებული თარიღის 24:00 საათზე და ძალაშია 1 (ერთი) წლის განმავლობაში, პოლისში მითითებული დასრულების თარიღის 24:00 საათამდე.
- 11.2 **სადაზღვევო პოლისის** მოქმედება შესაძლებელია შეწყდეს ვადაზე ადრე:
- a) თქვენი ინიციატივით, ესეთ შემთხვევაში თქვენ,

- წერილობით უნდა შეგვაცხოვინოთ ხელშეკრულების მოშლის შესახებ 14 (თოთხმეტი) კალენდარული დღით ადრე;
 - თუ შეწყვეტამდე ადგილი არ ქონია სადაზღვევო შემთხვევას, თქვენ ვალდებული ხართ გადაიხადოთ გაუქმების თარიღისათვის გამომუშავებული პრემია და გამოუმუშავებელი პრემიის 10%, ხოლო მიმდინარე დავალიანების არარსებობის შემთხვევაში თქვენ უკან დაგიბრუნდებათ გამომუშავებული პრემია 10%-ის გამოკლებით;
 - თუ შეწყვეტამდე ადგილი ქონდა სადაზღვევო შემთხვევას, თქვენ ვალდებული ხართ სრულად გადაიხადოთ პრემია, ხოლო გადახდილი გამომუშავებული პრემია უკან დაბრუნებას არ ექვემდებარება.
- b) ჩვენი ინიციატივით, ესეთ შემთხვევაში,
- ჩვენ შეგაცხოვინებთ ხელშეკრულების მოშლის შესახებ 14 (თოთხმეტი) კალენდარული დღით ადრე;
 - თქვენ გადასახდელი გექნებათ მხოლოდ გაუქმების თარიღისათვის არსებული გამომუშავებული სადაზღვევო პრემია;
- c) ზარალის ანაზღაურების შემთხვევაში, მიუხედავად იმისა სრულად გაიხაჯა თუ არა ანაზღაურების ლიმიტი.
- 11.3 პოლისში მითითებული სადაზღვევო პრემიის გადახდის გრაფიკის დარღვევის/ვადაგადაცილების შემთხვევაში, თქვენ დამატებით გაქვთ 14 (თოთხმეტი) დღიანი ვადა გადახდის შესასრულებლად. ამ პერიოდში პოლისი რჩება ძალაში და მომხდარი ზარალები ანაზღაურდება. 14 (თოთხმეტი) დღიანი ვადის გასვლის შემდეგ მომხდარი სადაზღვევო შემთხვევები ანაზღაურებას არ დაექვემდებარება.
- 11.4 თუ პრემია არ იქნება გადახდილი, პოლისში მითითებული გადახდის თარიღიდან 30 (ოცდაათი) კალენდარული დღის ვადაში, 30-ე კალენდარული დღის 24:00 საათზე, სადაზღვევო ხელშეკრულება/პოლისი შეწყდება ცალმხრივად და თქვენს მიერ გადასახდელი თანხა განისაზღვრება აღნიშნული პერიოდის გასვლის დღისთვის გამომუშავებული პრემიისა და გამოუმუშავებელი პრემიის 10%-ის ოდენობით.
- 11.5 თუ თქვენ დაფარავთ მიმდინარე სადაზღვევო დავალიანებას ჩვენს მიერ პოლისის გაუქმების თარიღამდე, სადაზღვევო პოლისის მოქმედება გაგარძელდება გადახდის თარიღიდან სადაზღვევო პერიოდის ბოლომდე, თუმცა დავალიანების პერიოდში დამდგარი სადაზღვევო შემთხვევები ანაზღაურებას არ დაექვემდებარება.

12. დავების გადაწყვეტა

12.1 სადაზღვევო ხელშეკრულებასთან დაკავშირებული ნებისმიერ დავას მხარეები

გადაწყვეტენ მოლაპარაკების გზით, ხოლო შეთანხმების მიუღწევლობის შემთხვევაში, საქართველოს საერთო სასამართლოსათვის მიმართვის გზით.

13. შეტყობინება და კომუნიკაცია

- 13.1. მხარეები თანხმდებიან, რომ წინამდებარე დაზღვევის პირობებით გათვალისწინებული მიზნებისთვის, საკომუნიკაციო საშუალებად შესაძლოა გამოყენებულ იქნეს დამზღვევის მიერ პოლისის შექმნის დროს ან სადაზღვევო პოლისში მითითებული მისამართი/ელექტრონული მისამართი ან/და მობილური ტელეფონის ნომერი, რაც გულისხმობს იმას, რომ მზღვეველის მიერ ამ მისამართზე გაგზავნილი წერილი ან მობილურ ტელეფონის ნომერზე გაგზავნილი შეტყობინება (მათ შორის მოკლე ტექსტური შეტყობინება) ჩაითვლება მზღვეველის მიერ გაკეთებულ ოფიციალურ წერილობით შეტყობინებად; შეტყობინების ტელეფონის ნომერზე გაგზავნის შემთხვევაში, მზღვეველის მიერ შეტყობინების გაგზავნის დღე ჩაითვლება ადრესატისათვის შეტყობინების ჩაბარების დღედ.
- 13.2. მზღვეველის მხრიდან დამზღვევისათვის შეტყობინების გაგზავნა მოხდება სადაზღვევო პოლისში მითითებულ ფაქტობრივ მისამართზე, ან მისამართის შეცვლის თაობაზე ამ პირობებით გათვალისწინებული წესის შესაბამისად, მზღვეველისათვის გაცხადებულ ბოლო მისამართზე. ასეთ მისამართზე გაგზავნილი ნებისმიერი შეტყობინება/კორესპონდენცია ჩაითვლება დამზღვევის მიერ მიღებულად, თუნდაც ადრესატი ამ მისამართზე აღარ იმყოფებოდეს ან მისამართი არასწორად/არაზუსტად იყოს გაცხადებული მზღვეველისათვის;

14. კონფიდენციალობა

- 14.1. მხარეთა მიერ ერთმანეთისათვის ნებისმიერი ფორმით (ზეპირი ან წერილობითი) მიწოდებული ყველა ინფორმაცია ითვლება კონფიდენციალურად და არ შეიძლება მისი მესამე პირისათვის გადაცემა მეორე მხარის წინასწარი თანხმობის გარეშე, გარდა საქართველოს მოქმედი კანონმდებლობითა და წინამდებარე პირობებით გათვალისწინებული შემთხვევებისა.
- 14.2. მზღვეველი უფლებამოსილია, განხორციელებული დაზღვევის ფარგლებში მიღებული თქვენი პერსონალური მონაცემები დაამუშოს: ა) სადაზღვევო მომსახურების გაწევის მიზნით, ბ) დამზღვევის მიერ ნაკისრი ვალდებულებების შეუსრულებლობის შემთხვევაში, მზღვეველის ინტერესების დაცვის მიზნით და გ) ზარალის დარეგულირების მიზნებისათვის, მათ შორის ნებისმიერი კერძო თუ საჯარო დაწესებულებიდან, გამოითხოვოს სადაზღვევო შემთხვევასთან დაკავშირებული ნებისმიერი ინფორმაცია და დოკუმენტაცია;

14.3. მზღვეველი ასევე უფლებამოსილია, მისთვის მიწოდებული პერსონალური ინფორმაცია დაამუშოას, ასევე, პირდაპირი მარკეტინგის მიზნებისათვის - ახალი სადაზღვევო პროდუქტებისა და მომსახურების შესათავაზებლად. მონაცემთა სუბიექტს, უფლება აქვს ნებისმიერ დროს მოსთხოვოს მზღვეველს მის შესახებ მონაცემთა პირდაპირი მარკეტინგის მიზნებისათვის გამოყენების შეწყვეტა იმავე ფორმით, რა ფორმითაც ხორციელდება პირდაპირი მარკეტინგი - მზღვეველისათვის წერილობითი ან სატელეკომუნიკაციო საშუალებებით მიმართვის გზით.